



Na osnovu člana 60 Zakona o upravi u Federaciji Bosne i Hercegovine („Službene novine F/BiH“, broj: 28/97 i 26/02), člana 18. stav 1. a u vezi sa članom 21. stav 1. tačka d. Zakona o javnim nabavkama („Službeni glasnik BiH“, broj 39/14), i Odluke Kantonalnog štaba civilne zaštite broj: 15-40-3385-1/20 od 23.03.2020.godine, direktor Kantonalne uprave civilne zaštite, donosi:

ODLUKU

o nabavci zaštitne opreme – zaštitni prsluci za pripadnike Službi zaštite i spašavanja

I

Pokreće se postupak javne nabavke putem direktnog sporazuma za nabavku zaštitne opreme - zaštitni prsluci za pripadnike Službi zaštite i spašavanja Unsko-sanskog kantona, u vrijednosti do 7.020,00 KM (sedamhiljadadvadeset konvertibilnih maraka) sa PDV-om.

II

Nabavka navedene opreme će se izvršiti iz sredstava Budžeta Unsko - sanskog kantona za 2020. godinu, - sredstva posebne naknade za zaštitu i spašavanje, razdjel 27, glava 01, potrošačka jedinica 0001, funkcionalni kod 0220, izvor 30, ekonomski kod 613400, SPN001- nabavka materijala (medicinski i laboratorijski materijal - zaštitna oprema), koja su planirana Planom korištenja sredstava posebne naknade za zaštitu i spašavanje u 2020. godini za provođenje preventivnih mjera zaštite i spašavanja.

III

Ova Odluka stupa na snagu danom donošenja.

Broj: 15-11-8-3678-1/20
Bihać, 01.04. 2020.godine.





Na osnovu člana 60. Zakona o upravi u Federaciji Bosne i Hercegovine („Službene novine F/BiH“, broj: 28/97 i 26/02), a u vezi člana 64. stav (1), tačka b), člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14), na preporuku Komisije za javne nabavke u Zapisniku o ocjeni ponuda, broj: 15-11-3678-4/20 od 16.04.2020. godine, direktor Kantonalne uprave civilne zaštite, d o n o s i :

ODLUKU

o izboru najpovoljnijeg ponuđača

I

Prihvata se Preporuka Komisije za javne nabavke za predmet ugovora „Nabavka zaštitne opreme – zaštitni prsluci za pripadnike Službi zaštite i spašavanja, i dodjeljuje se ugovor ponuđaču GRAFIS d.o.o. Cazin, za ponuđenu cijenu bez PDV u iznosu od 750,00 KM (sedamstopedeset KM), odnosno 877,50 KM (osamstosedamdesetsedam KM i pedeset KF) sa PDV-om.

II

Ova Odluka stupa na snagu danom donošenja, dostavlja se ponuđaču koji je učestvovao u postupku javne nabavke i u skladu sa članom 70. stav (6) Zakona o javnim nabavkama objavit će se na web-stranici www.vladausk.ba, i to istovremeno s upućivanjem iste ponuđaču koji je učestvovao u postupku javne nabavke.

Obrazloženje:

Direktor Kantonalne uprave civilne zaštite je donio Odluku o pokretanju postupaka javne nabavke putem direktnog sporazuma za nabavku zaštitne opreme – zaštitni prsluci za pripadnike Službi zaštite i spašavanja, broj: 15-11-8-3678-1/20 od 01.04.2020. godine.

Postupajući po navedenoj Odluci, Kantonalna uprava civilne zaštite je uputila zahtjev za dostavu ponuda broj: 15-11-8-3678-2/20 od 02.04.2020. godine, ponudžacu GRAFIS d.o.o. Cazin, Pjanići 75, 77220 Cazin, te na osnovu dostavljene ponude Komisija za javne nabavke izvršila je javno otvaranje zaprimljene ponude, sačinila zapisnik o ocjeni ponude, te dala preporuku o ishodu postupka javne nabavke.

Postupajući po Odluci o pokretanju postupaka javne nabavke za nabavku zaštitne opreme – zaštitni prsluci za pripadnike Službi zaštite i spašavanja, broj: 15-11-8-3678-1/20 od 01.04.2020. godine, Kantonalna uprava civilne zaštite je uputila zahtjev za dostavu ponuda broj: 15-11-8-3678-2/20 od 02.04.2020. godine, ponudžacu GRAFIS d.o.o. Cazin, Pjanići 75, 77220 Cazin. Po isteku roka za podnošenja ponuda 09.04.2020. godine do 12,00 sati, evidentirano je da je blagovremeno zaprimljena jedna ponuda putem mejla, a dan kasnije, zbog trenutne situacije (pandemije) i putem pošte i to:

1. GRAFIS d.o.o. Cazin, Pjanići 75, 77220 Cazin, broj: 15-11-3678-3/20 od 10.04.2020. godine.

Neblagovremeno pristiglih ponuda do javnog otvaranja u ovom postupku nije bilo.

